



LOUIS PAR LA GRACE DE DIEU ROY DE FRANCE ET DE NAVARRE; A nos chers & bien Amez les sieurs de S. Meard, nostre Conseiller, Lieutenant Criminel au Siege de Guyenne, de Lauernac sieur de Taudias, Aduocat en nostre Parlement de Bourdeaux, & de Giac Greffier des Iuges & Consuls de Bourdeaux & Admirauté de Guyenne, Salut. Nostre tres-cher & tres-ame Oncle Bernard de Foix de la Valette, Duc d'Espéron & de la Valette, Colonel general de l'Infanterie Françoise, Nous a fait remonstrer que deffunct nostre tres-cher & bien amé Cousin le sieur Duc d'Espéron son pere, auroit acquis du feu Roy d'heureuse memoire nostre tres-honoré Seigneur & Pere, les rentes qui Nous appartoient en la ville de Bourdeaux & enuiron d'icelle, & les Domaines de S. Macaire, Preuosté d'entre-deux mers, Condac, Barbannes & autres lieux dudit entre-deux mers: Pour jouir des cens, rentes & autres reuenus en dependans, tout ainsi que nostredit deffunct Seigneur & Pere en jouissoit avant ladite vente; Et pour en conseruer les droicts & reuenus, nostredit deffunct Cousin Duc d'Espéron auroit commencé de faire recognoistre; & passer des recognoissances & adueuz par les vassaux emphyteotes & debiteurs desdits droicts, ce qui n'a esté acheué au moyen du deceds de nostredit Cousin: Lesquelles recognoissances, adueuz & denombrements, nostredit Oncle son fils & heritier desireroit faire continuer de nouveau. Nous requerant à cette fin, qu'il nous pleust commettre quelqu'un pour proceder de nouveau au fait desdites recognoissances, adueuz & denombrements des droicts deus à nostre-dit Oncle estant en nostre lieu & place à cause desdits Domaines, & sur ce luy pouruoir de nos Lettres necessaires. A CES CAUSES. Nous vous auons commis & mettons par ces presentes, avec nostre Procureur en la Seneschauflée de Guyenne: Sçauoir, vouldit de Saint Meard & de Lauernac, pour faire & paracheuer de proceder & continuer au fait desdites recognoissances, adueuz & denombrements: Et vous-dit de Giac pour Greffier. Voulons & ordonnons à cette fin que tous les vassaux & tenanciers des terres & biens dependans desdits Domaines, mettront au Greffe de vostredite Commission, les Titres & Contrats, en vertu desquels ils jouissent d'iceux, à quoy faire ils seront contraints en vertu de vos contraintes par le premier nostre Huissier ou Sergent sur ce requis. Auquel commandons & donnons pouuoir de ce faire, nostre main suffisamment garnie, quand aux choses tenuës noblement, & à la charge que les recognoissances, adueuz & denombrements pour droicts seodaux que rotures, seront baillez souz nostre nom; Et pour l'execution des presentes & des Sentences & iugemens qui sont par vous rendus, faire tous Exploicts, Significations, Sommations, Contraintes, & autres Actes requis & necessaires: Sans que pour ce il soit tenu demander aucun congé ny permission: CAR tel est nostre plaisir. DONNE' à Paris le vingtième iour de May, l'an de grace mil six cens quarante-cinq, Et de nostre Regne le troisième. Signé, Par le Roy en son Conseil, CAILLE. Et seellé de cire jaune.

PAR DEuant NOUS CESAR DE MERIGNAC, S^r DE SAINT MEARD, Conseiller du Roy en ses Conseils d'Etat & Privé, & Jean de Lauernac Escuyer sieur de Taudias, Aduocat en la Cour de Parlement de Bourdeaux, Commissaires deputés par sa Majesté pour la verification & nouvelles reconnoissances de son Domaine, tant dans la Ville de Bourdeaux qu'aux enuiron d'icelle, Preuosté d'entre-deux Mers, Condac, Bar-

2
banes, Ville & Jurisdiction de S. Macquaire, & autres lieux de la Seneschaussée de Guyenne, à compareu M^e de Cadroy Procureur en la Cour de ladite Seneschaussée de Guyenne, Pour Haut & Puissant Seigneur Messire Bernard de Foix & de la Valette, Duc d'Espéron, de la Valette, & de Candale, Pair & Colonel General de France, Gouverneur & Lieutenant General pour le Roy en Guyenne; Comme Seigneur par engagement du susdit Domaine de sa Majesté dans ladite Ville de Bourdeaux, Preposé d'entre-deux Mers, Ville & Jurisdiction de S. Macquaire; Lequel Cadroy, en presence de M^e Simon de Lamontagne Procureur du Roy en ladite Seneschaussée de Guyenne, nous a dit & remontré qu'en vertu de nostre Ordonnance, & à la Requête dudit Procureur du Roy, il a fait publier & afficher dans toute l'estendue desdites Juridictions d'entre-deux Mers, S. Macquaire & autres lieux, Que tous ceux qui tiennent des biens mouuans de ladite Majesté pour raison du susdit Domaine, eussent à remettre dans huitaine au Greffe de nostre Commission, les Titres en vertu desquels ils possèdent lesdits biens, ce que lesdits tenanciers n'ont tenu compte faire, comme il appert par le certificat de nostre Greffier; Au moyen dequoy ledit Cadroy a requis, que veu lesdits Exploicts de Proclamations & Affiches des

il soit ordonné que tous ceux qui possèdent des biens mouuans de sa Majesté dans l'estendue de son Domaine engagé audit Seigneur Duc d'Espéron, ayent à remettre au Greffe de nostre Commission, dans le delay qui leur sera par Nous donné, les Titres en vertu desquels ils possèdent lesdits biens; Autrement & à faute de ce faire, qu'il luy soit permis de faire proceder par saisie sur iceux, A quoy ledit Procureur du Roy a consenty. SUR QUOY Nous Conseiller & Commissaires susdits, veu lesdits Exploicts de Proclamations & Affiches, & Certificat de nostre Greffier, du consentement dudit Procureur du Roy, auons Ordonné que dans huitaine, tous ceux qui possèdent des biens mouuans de sa Majesté dans l'estendue de son Domaine engagé audit Seigneur Duc d'Espéron, Remettront au Greffe de nostre Commission, les Titres en vertu desquels ils possèdent lesdits biens: Autrement à faute de ce faire, est permis de proceder par saisie sur iceux. Et leur sera signifié par le premier Huissier ou Sergent Royal sur ce requis, auquel auons donné pouuoir & Mandement de ce faire par ces presentes, en vertu de celuy à Nous donné par sa Majesté. FAIT à Bourdeaux le dix-septieme iour d'Aoust mil six cens quarante-six.

LE

Le *Septembre* iour de *Mars* mil six cens quarante *seize*
soubz-signé, certifie qu'à la Requête de Monseigneur le Duc d'Espéron, Pair & Colonel General de France, Gouverneur & Lieutenant General pour le Roy en Guyenne, & en vertu des Lettres Patentes & Ordonnance de Messieurs les Commissaires cy-dessus, & de l'autre part escrits, j'ay monstré & signifié lesdites Lettres Patentes & Ordonnance, & icelles apparues par Original, à *Raymond Seruiere*

à ce qu'il n'en ignore, auquel j'ay fait commandement de par le Roy, de remettre dans huitaine apres la date du present exploit, entre les mains de M^e Raymond Seruiere, subrogé par Maistre Leonard de Giac, Greffier nommé par sa Majesté par les susdites Lettres Patentes & Commission, tous les Titres & Enseignemens en vertu desquels il possède *lesdits biens*

3
Autrement & à faute de remettre lesdits Titres, luy ay déclaré qu'il seraprocedé par saisie sur lesdits biens, & que ledit Seruiere a esleu son domicile *à Bourdeaux*

Fait à *Bourdeaux*

parlant à *Raymond Seruiere*

auquel j'ay baillé la presente coppie, es presences des tesmoins nommez en ma relation, *Raymond Seruiere*

*Le second de Januier 1646 - Led
notaire a signé une Procuration
signee Capdauca non Royal Seruiere*